


UWEZO WA MUNGU

Imekusanywa na
Watson Goodman

BURE - KISIUZWE



UWEZO WA MUNGU

Yaweze kanaje kiumbe kidogo kufafanua uwezo wa Muumba wetu au nguvu za Mungu asiyeharibika kwa namna yoyote ile? Ni vigumu kabisa kuifanya kwa usahihi, kwa maana Mungu ni mwenye uwezo mkuu na mkubwa sana kwamba akili zetu ndogo kwa uwezo wake haiwezi kuchukua yote ndani.

Lakini Mungu amejifunua Mwenyewe katika Kitabu chake, Biblia, wazi ya kutosha sisi kuelewa vizuri uwezo Wake kutenda CHOCHOTE kinachodhaniwa na mtu kuwa hakiwezekani! Yeye aliumba ulimwengu wetu na kuuning'iniza hewani, na umening'inia pale kwa miaka maelfu sio kwa lolote bali kwa uwezo Wake. Yeye alikuwa akirudishia mahitaji ya ulimwengu wetu yaliyotokana na nguvu za uharibifu wa Shetani na mtu.

Hebu sasa tutazame ndani ya Neno la Mungu kuhusu ufunuo Wake ulio mkamilifu wa uwezo Wake usioisha.

—Watson Goodman (1920-2002)

BIB LIA-The British and Foreign Bible Society-London 1961. Made and Printed in Great Britain by Purnell and Sons, LTD., Paulton and London. Printed by permission.

UWEZO WA MUNGU KATIKA KUUMBA 1

Ameiumba dunia kwa uwezo wake, Ameuthibitisha ulimwengu kwa hekima yake, Na kwa ufahamu wake amezitandika mbingu.

—Yeremia 10:12

Basi, mtamlinganisha Mungu na nani?... Yeye ndiye anayeketi juu ya duara ya dunia, na hao wanaokaa ndani yake huwa kama panzi; yeye ndiye azitandazaye mbingu kama pazia, na kuzikunjua kama hema ya kukaliwa; Mtanifaninisha na nani, basi, nipate kuwa sawa naye? asema yeye aliye Mtakatifu. Inueni

macho yenu juu, mkaone; ni nani aliyeziumba hizi; alitaye nje jeshi lao kwa hesabu; aziita zote kwa majina; kwa ukuu wa uwezo wake, na kwa kuwa yeye ni hodari kwa nguvu zake; hapana moja isiyokuwapo mahali pake.

—Isaya 40:18a, 22, 25, 26

Aa! Bwana MUNGU, tazama, wewe umeziumba mbingu na nchi, kwa uwezo wako mkuu na kwa mkono wako ulionyoshwa; hapana neno lililo gumu usiloliweza.

—Yeremia 32:17

2 MUNGU HUUMBA NA KUTOA MWANGA; SHETANI HUHARIBU

Hapo mwanzo kulikuwako Neno, naye Neno alikuwako kwa Mungu, naye Neno alikuwa Mungu. Vyote vilifanyika kwa huyo; wala pasipo yeye hakikufanyika cho chote kilichofanyika Mwivi [Shetani] haji ila aibe na kuchinja na kuharibu. —Yohana 1:1, 3; 10:10a

Akawaambia, Nilimwona Shetani, akianguka kutoka mbinguni kama umeme.

—Luka 10:18

Mwe na kiasi na kukesha; kwa kuwa mshitaki wenu Ibilisi, kama simba angurumaye,

huzunguka-zunguka, akitafuta mtu ammeze. —1 Petro 5:8

Nami sipendi ninyi kushirikiana na mashetani.

—1 Wakorintho 10:20b

Basi Yesu akawaambia tena akasema, Mimi ndimi nuru ya ulimwengu, yeye anifuataye hatakwenda gizani kamwe, bali atakuwa na nuru ya uzima. —Yohana 8:12

Mimi nalikuja ili wawe na uzima, kisha wawe nao tele. —Yohana 10:10b

UWEZO WA MUNGU HAUNA MIPAKA 3

Mara moja amenena Mungu; Mara mbili nimeyasikia haya, Ya kuwa nguvu zina Mungu.

—Zaburi 62:11

Naam, tangu siku ya leo, mimi ndiye; wala hapana awezaye kuokoa katika mkono wangu.

—Isaya 43:13a

Ee BWANA, ukuu ni wako, na uweza, na utukufu, na kushinda, na enzi; maana vitu vyote vilivyo mbinguni na duniani ni vyako; ufalme ni wako, Ee BWANA, nawe umetukuzwa, u mkuu juu ya vitu vyote. Utajiri na heshima hutoka kwako wewe, nawe watawala

juu ya vyote; na mkononi mwako mna uweza na nguvu; tena mkononi mwako mna kuwatukuza na kuwaweze sha wote. —1 Nyakati 29:11, 12

Ee BWANA Mungu, umeanza kumwonyesha mtumishi wako ukubwa wako, na mkono wako wa nguvu; kwani kuna mungu gani mbinguni au duniani awezaye kufanya mfano wa kazi zako, na mfano wa matendo yako yenye nguvu?

—Kumbukumbu 3:24

Kwa kuwa hakuna neno lisiloweze kana kwa Mungu.

—Luka 1:37

4 UKUU WA UWEZO MWINGI WA MUNGU

BWANA, mkono wako wa kuume umepata fahari ya uwezo, BWANA, mkono wako wa kuume wawaseta-seta adui. Kwa wingi wa ukuu wako wawaangusha chini wanao-kuondokea, Wapeleka hasira yako, nayo huwateketeza kama mabua makavu.

-Kutoka 15:6, 7

Bwana wetu ni mkuu na mwingi wa nguvu, Akili zake hazina mpaka. -Zaburi 147:5

Lakini akawaokoa kwa ajili ya jina lake, Ayadhahirishe matendo yake makuu.

-Zaburi 106:8

Ezra akasema, Wewe ndiwe

BWANA, wewe peke yako; wewe ulifanya mbingu, mbingu za mbingu, pamoja na jeshi lake lote, dunia na vyote vilivyomo, bahari na vitu vyote vilivyomo, nawe unavihifadhi vitu hivi vyote; na jeshi la mbinguni lakusujudu wewe.

-Nehemia 9:6

Ee nafsi yangu, umhimidi BWANA. Wewe, BWANA, Mungu wangu, Umejifanya mkuu sana; Umejivika heshima na adhama.

-Zaburi 104:1

BWANA ndiye mkuu mwenye kusifiwa sana, Wala ukuu wake hautambulikani.

-Zaburi 145:3

UWEZO WA MUNGU NI WA MILELE 5

Maana hivi mtaruzukiwa kwa ukarimu kuingia katika ufalme wa milele wa Bwana wetu, Mwokozi wetu Yesu Kristo.

-2 Petro 1:11

Mtumainini BWANA sikuzote, Maana BWANA YEHOVA ni mwamba wa milele.

-Isaya 26:4

Kabla haijazaliwa milima, wala hujaiumba dunia, na tangu milele hata milele ndiwe Mungu.

-Zaburi 90:2

Bali BWANA ndiye Mungu wa kweli; Ndiye Mungu aliye hai, Mbele wa milele; Mbele za ghadhabu yake nchi yatetemeka, Wala mataifa hawawe-

zi kustahimili hasira yake.

-Yeremia 10:10

Pakawa na sauti kuu kati-ka mbingu; zikisema, Ufalme wa dunia umekwisha kuwa ufalme wa Bwana wetu na wa Kristo wake, naye atamiliki hata milele na milele.

-Ufunuo 11:15b

Uwezo Wa Shetani Utaharibiwa

Na yule Ibilisi, mwenye kuwadanganya, akatupwa kati-ka ziwa la moto na kiberiti, alimo yule mnyama na yule nabii wa uongo. Nao wata-teswa mchana na usiku hata milele na milele. -Ufunuo 20:10

6 UWEZO WA AJABU WA MUNGU KATIKA BAHARI YA SHAMU

Musa akanyosha mkono wake juu ya bahari; BWANA akai-fanya bahari irudi nyuma kwa upepo wa nguvu utoka mashariki, usiku kucha, akaifanya bahari kuwa nchi kavu, maji yakagawanyika. Wana wa Israeli wakaenda ndani kati ya bahari katika nchi kavu; nayo maji yalikuwa ukuta kwao mkono wa kuume, na mkono wa kushoto. BWANA akamwambia Musa, Nyosha mkono wako juu ya bahari, ili maji yarudi tena juu ya Wamisri, juu ya

magari yao, na juu ya farasi zao. Musa akaunyosha mko-no wake juu ya bahari, na kulipopambazuka, bahari ikarudi kwa nguvu zake; Wamisri wakakimbia mbele yake; na BWANA akawaku-kutia mbali hao Wamisri kati ya bahari. ... Hakusalia hata mtu mmoja. Ndivyo BWANA alivyowaokoa Israeli siku ile mikononi mwa Wamisri; Waisraeli wakawaona Wamisri ufuoni kwa bahari, wamekufa.

-Kutoka 14:21, 22, 26-28b, 30

HAKUNA MUUJIZA ULIO MKUBWA ZAIDI KWA MUNGU 7

Alilisha Watu Milioni Kwa Miaka 40

Wakati wa jioni mtakula nyama, na wakati wa asubuhi mta-shiba mkate; nanyi mtajua ya kuwa mimi ndimi BWANA, Mungu wenu. Ikawa wakati wa jio-ni, kware wakakaribia, waka-kifunikiza kituo; na wakati wa asubuhi umande ulikuwa juu ya nchi pande zote za kituo. Na ulipoinuka ule umande ulio-kuwa juu ya nchi, kumbe! juu ya uso wa bara kitu kidogo ki-lichoviringana, kidogo kama sa-kitu juu ya nchi. Wana wa Isra-

eli walipokiona, wakaambiana, Nini hiki? Na wana wa Israeli walikula Mana muda wa miaka arobaini.

-Kutoka 16:12b-15a, 35a

Maji Kwa Milioni

...Nawe utalipiga jabali, na maji yatatoka, watu wapate kunywa.

-Kutoka 17:6a

Alizuia Mto Uliofurika

Na hao makuhani waliolichu-kuwa sanduku la agano la BWA-NA wakasimama imara mahali pakavu katikati ya Yordani; Israeli wote wakavuka katika nchi kavu.

-Yoshua 3:17a

8 MUNGU NI MKOMBOZI MKUU

Basi watu hao wakafungwa, hali wamevaa suruali zao, na kanzu zao, na johu zao, na mavazi yao mengine, wakatu-pwa katikati ya ile tanuru iliyokuwa ikiwaka moto. Basi kwa sababu amri ya mfalme ilikuwa ni kali, na ile tanuru ilikuwa ina moto sana, mwako wa ule moto ukawaua wale watu waliowashika Shadraka, na Meshaki, na Abednego. Na maamiri, na manaibu, na maliwali, na mawaziri, walio-kuwa wamekusanyika pamo-ja, wakawaona watu hao, ya kuwa ule moto ulikuwa hau-na nguvu juu ya miili yao,

wala nywele za vichwa vyao hazikuteketea, wala suruali zao hazikubadilika, wala ha-rufu ya moto haikuwapata hata kidogo.

-Danieli 3:21, 22, 27

Basi mfalme akatoa amri, nao wakamleta Danieli, wa-kamtupa katika tundu la si-mba. Mfalme akanena, aka-mwambia Danieli, Mungu wa-ko unayemtumikia daima, ye-ye atakuponya. Ndipo Danieli akamwambia mfalme... Mu-ngu wangu amemtuma ma-laika wake, naye ameyafu-mba makanwa ya simba.

-Danieli 6:16, 21, 22a

UWEZO WA NENO LA MUNGU 9

Je! neno langu si kama mo-to? asema BWANA; na kama nyu-ndo ivunjayo mawe vipande vipande?

-Yeremia 23:29

Maana Neno la Mungu li hai, tena lina nguvu, tena lina ukali kuliko upanga u-wao wote ukatao kuwili, tena lachoma hata kuzigawanya nafsi na roho, na viungo na mafuta yaliyomo ndani yake; tena li jepesi kuyatambua mawazo na makusudi ya mo-yo.

-Waebrania 4:12

Jinsi gani kijana aisafishe njia yake? Kwa kutii, akilifu-ata neno lako. -Zaburi 119:9

Ninyi mmekwisha kuwa safi kwa sababu ya lile neno nili-lowambia. -Yohana 15:3

Tena ipokeeni chapeo ya wo-kovu, na upanga wa Roho ambao ni neno la Mungu.

-Waefeso 6:17

Uwatakase kwa ile kweli; neno lako ndiyo kweli.

-Yohana 17:17

Moyoni mwangu nimeliwe-ka neno lako, Nisije nikaku-tenda dhambi. -Zaburi 119:11

Kufafanusha maneno yako kwatia nuru, Na kumfahami-sha mjinga. -Zaburi 119:130

10 YESU KRISTO NI MUNGU KATIKA MWILI

Maana katika yeye unakaa utimilifu wote wa Mungu, kwa jinsi ya kimwili.

-Wakolosai 2:9

Tazama, bikira atachukua mimba, Naye atazaa mwana; Nao watamwita jina lake Imanueli; Yaani, Mungu pamoja nasi. Naye Yusufu alipoamka katika usingizi, alifanya kama malaika wa Bwana alivyo-mwagiza; akamchukua mke-we; asimjue kamwe hata alipomzaa mwanawe; akamwita jina lake YESU.

-Mathayo 1:23-25

Akawajibu, Baba yangu anataenda kazi hata sasa, nami ni-

natenda kazi. Basi kwa sababu hiyo Wayahudi walizidi kutaka kumwua, kwa kuwa hakuivunja sabato tu, bali pamoja na hayo alimwita Mungu Baba yake, akijifanya sawa na Mungu.

-Yohana 5:17, 18

Damu ya Kristo ni Damu ya Mungu

Jitunzeni nafsi zenu, na lile kundi lote nalo, ambalo Roho Mtakatifu amewaweka ninyi kuwa waangalizi ndani yake, mpate kulisha kanisa lake Mungu, alilolinunua kwa damu yake mwenyewe.

-Matendo 20:28

YESU KRISTO NI MWENYE UWEZO**11**

Tena zitokazo kwa Yesu Kristo... Mimi ni Alfa na Omega, mwanzo na mwisho, asema Bwana Mungu, aliyeko na aliyekuwako na atakayekuja, Mwenyezi.

-Ufunuo 1:5a, 8

Naye alituokoa katika nguvu za giza, akatuhamisha na kutuingiza katika ufalme wa Mwana wa pendu lake; ambaye katika yeye tuna ukombozi, yaani, msamaha wa dhambi; naye ni mfano wa Mungu asiyeonekana, mzaliwa wa kwanza wa viumbe vyote. Kwa kuwa katika yeye vitu vyote viliumbwa, vilivyo mbi-

nguni na vilivyo juu ya nchi, vinavyoonekana na visivyonekana; ikiwa ni viti vya enzi, au usultani, au enzi, au mamlaka; vitu vyote viliumbwa kwa njia yake, na kwa ajili yake.

-Wakolosai 1:13-16
Mwenye uweza peke yake, Mfalme wa wafalme, Bwana wa mabwana; ambaye yeye peke yake hapatikani na maufi, amekaa katika nuru isiyo-weza kukaribiwa; wala haku-na mwanadamu aliyemwona, wala awezaye kumwona. Heshima na uweza una yeye hata milele. Amina.

-1 Timotheo 6:15b, 16

12 KRISTO NI SAWA NA BABA

Naye anitazamaye mimi a-mtazama yeye aliyenipeleka.

-Yohana 12:45

Yeye kwa kuwa ni mng'ao wa utukufu wake na chapa ya nafsi yake, akivichukua vyote kwa amri ya uweza wake, akiisha kufanya utakaso wa dhambi, aliketiki mkono wa kuume wa Ukuu huko juu.

-Waebrania 1:3

Na ubora wa ukuu wa uweza wake ndani yetu tuaminia jinsi ulivyo; kwa kadiri ya utendaji wa nguvu za uweza wake; aliotenda katika Kristo alipomfufua katika wafu, akamweka mkono wake wa

kuume katika ulimwengu wa roho; juu sana kuliko ufalme wote, na mamlaka, na nguvu, na usultani, na kila jina litajwalo, wala si ulimwenguni humu tu, bali katika ule ujao pia; akavitia vitu vyote chini ya miguu yake.

-Waefeso 1:19-22a

Mimi na Baba tu umoja... Baba yu ndani yangu, nami ni ndani ya Baba.

-Yohana 10:30, 38b

Naye akampa amri ya kufanya hukumu kwa sababu ni Mwana wa Adamu.

-Yohana 5:27

UWEZO MKUU WA ROHO MTAKATIFU**13**

Yeye anao Uwezo, Yuko katika Utatu

Naye Roho ndiye ashuhudi-aye, kwa sababu Roho ndiye kweli.

-1 Yohana 5:7

Petro akasema, Anania, kwa nini Shetani amekujaza moyo wako kumwambia uongo Roho Mtakatifu, na kuzuia kwa siri sehemu ya thamani ya kiwanja?... Ilikuwaje hata ukaweka neno hili moyoni mwako? Hukumwambia uongo mwanadamu, bali Mungu. Anania aliposikia maneno haya aka-anguka, akafa. Hofu nyingi ikawapata watu wote walio-

wasikia haya. -Matendo 5:3-5

Yeye Huwajaza Waamini, Huwapa Ushupavu

Hata walipokwisha kumwomba Mungu, mahali pale walipokusanyika pakatikiswa, wote wakajaa Roho Mtakatifu, wakanena neno la Mungu kwa ujasiri.

-Matendo 4:31
Yeye Hufanya Upendo wa Pekee Kufanya kazi

Na tumaini halitahayarishi; kwa maana pendu la Mungu limekwisha kumiminwa katika mioyo yetu na Roho Mtakatifu tuliyepeewa sisi.

-Warumi 5:5

14 NGUVU ZA MUNGU

Naye, kwa sababu hii, aweza kuwaokoa kabisa wao wamji-ao Mungu kwa yeye; maana yu hai sikuzote ili awaombe.

-Waebrania 7:25

Yeye awezaye kuwalinda ninyi msijikwae, na kuwasimamisha mbele ya utukufu wake bila mawaa katika furaha kuu.

-Yuda 24

Mungu aweza kumwinulia Ibrahimu watoto.

-Luka 3:8b

Kwa sababu hiyo nimepatikana na mateso haya, wala sitahayari; kwa maana namjua yeye niliyemwamini, na kusadiki ya kwamba aweza kuki-

linda kile nilichokiweka a-mana kwake hata siku ile.

-2 Timotheo 1:12

Na Mungu aweza kuwajaza kila neema kwa wingi, ili ninyi, mkiwa na riziki za kila namna sikuzote, mpate kuzidi sana katika kila tendo jema.

-2 Wakorintho 9:8

Ibrahimu... lakini akiiona ahadi ya Mungu hakisita kwa kutokuamini, bali alitiwa nguvu kwa imani, akimtukua Mungu; huku akijua hakika ya kuwa Mungu aweza kufanya yale aliyoahidi.

-Warumi 4:16c, 20, 21

NGUVU ZA MUNGU**15**

Kwa huo aweza hata kuvitisha vitu vyote viwe chini yake.

-Wafilipi 3:21b

Na wale waendao kwa kutakabari, yeye aweza kuwadhili.

-Danieli 4:37b

Kama ni hivyo, Mungu wetu tunayemtumikia aweza kutuokoa na tanuru ile iwakayo moto; naye atatuokoa na mkono wako, Ee mfalme. Kisha Nebukadreza akaukaribia mdomo wa ile tanuru iliyokuwa inawaka moto. Akanena, akasema, Enyi Shadraka, na Meshaki, na Abednego, watumishi wa Mungu Aliye juu, to-

keni, mje huku... Ya kuwa ule moto ulikuwa hauna nguvu juu ya miili yao, wala nywele za vichwa vyao hazikuteke-tea, wala suruali zao haziku-badilika, wala harufu ya moto haikuwapata hata kidogo.

-Danieli 3:17, 26a, 27b

Na kwa kuwa mwenyewe aliteswa alipojaribiwa, aweza kuwasaidia wao wanaojari-riwa.

-Waebrania 2:18

Uwezo Juu ya Kifo

Akihesabu ya kuwa Mungu aweza kumfufua hata kutoka kuzimu.

-Waebrania 11:19a

16

NGUVU ZA MUNGU

Na ya kuwa tangu utoto umeyajua maandiko matakatifu, ambayo yaweza kukuhekimisha hata upate wokuwa kwa imani iliyo katika Kristo Yesu. -2 Timotheo 3:15

Bwana aweza kumsimamisha. -Warumi 14:4b

Basi atukuzwe yeye awezaye kufanya mambo ya ajabu mno kuliko yote tuyaombayo au tuyawazayo, kwa kadiri ya nguvu itendayo kazi ndani yetu; naam, atukuzwe katika Kanisa na katika Kristo Yesu hata vizazi vyote vya milele

na milele. Amina.

-Wafeso 3:20, 21

Basi, sasa nawaweka katika mikono ya Mungu, na kwa neno la neema yake, ambalo laweza kuwajenga na kuwapa urithi pamoja nao wote waliotakaswa. -Matendo 20:32

Basi, nauliza, Je! Mungu aliwasukumia mbali watu wake? Hasha! Na hao pia, wasipokaa katika kutokuamini kwao, watapandikizwa; kwa kuwa Mungu aweza kuwapandikiza tena.

-Warumi 11:1a, 23

UWEZO WA KRISTO KUSAMEHE DHAMBI

17

Bwana, kama Wewe ungehesabu maovu, Ee Bwana, nani angesimama? Lakini kwako kuna msamaha, Ili Wewe uogopwe. -Zaburi 130:3, 4

Ikiwa watu wangu, walioitwa kwa jina langu, watajinyenyekesha, na kuomba, na kunitafuta uso, na kuziacha njia zao mbaya; basi, nitasikia toka mbinguni, na kuwasamehe dhambi yao, na kuiponya nchi yao. -2 Nayakati 7:14

Vyepesi ni vipi, kumwambia mwenye kupooza, Umesamehewa dhambi zako, au kusema, Ondoka, ujitwike godoro lako, uende? Lakini mpate

kujua ya kwamba Mwana wa Adamu anayo amri duniani ya kusamehe dhambi, (hapo amwambia yule mwenye kupooza), Nakuambia, Ondoka, ujitwike godoro lako uende nyumbani kwako. Mara akaondoka, akajitwika godoro lake, akatoka mbele yao wote; hata wakastaajabu wote, wakamtukuza Mungu.

-Marko 2:9-12a

Na kila mtu atakayenena neno juu ya Mwana wa Adamu atasamehewa, bali aliyemkufuru Roho Mtakatifu hatasamehewa. -Luka 12:10

18

UWEZO WA KRISTO KUPONYA ROHO

Hata imekuwa, mtu akiwa ndani ya Kristo amekuwa kiumbe kipya; ya kale yamepita; tazama! yamekuwa mapya. -2 Wakorintho 5:17

Naye kila aishiye na kuniadini hatakufa kabisa hata milele. Je! unayasadiki hayo? -Yohana 11:26

Naye alipokwisha kukamiliwa, akawa sababu ya wokuwa wa milele kwa watu wote wanaomtii. -Waebrania 5:9

Ili kwamba, kama vile dhambi ilivyotawala katika mausti, vivyo hivyo kwa njia ya haki neema itawale hata uzi-

ma wa milele kwa Yesu Kristo Bwana wetu. -Warumi 5:21

Na sasa inadhihirishwa kwa kufunuliwa kwake Mwokozi wetu Kristo Yesu; aliyebatili mauti, na kuufunua uzima na kutokuharibika, kwa ile Injili. -2 Timotheo 1:10

Kwa maana sisi tulio hai, sikuzote twatolewa tufe kwa ajili ya Yesu, ili uzima wa Yesu nao udhihirishwe katika miili yetu ipatikanayo na mauti. -2 Wakorintho 4:11

Mimi nalikuja ili wawe na uzima, kisha wawe nao tele. -Yohana 10:10b

UWEZO WA KRISTO KUPONYA MWILI

19

Ikawa siku zile mojawapo alikuwa akifundisha, na Marfarisayo na waalimu wa torati walikuwa wameketi hapo... na uweza wa Bwana ulikuwapa apate kuponya. Na mwanamke mmoja, ambaye ametokwa na damu muda wa miaka kumi na miwili, [aliyekuwa amegharimiwa mali zake zote kwa kuwapa waganga] asipate kuponywa na mtu ye yote, alikwenda nyuma yake, akaugusa upindo wa vazi lake; na mara hiyo kutoka damu kwake kulikoma. -Luka 5:17; 8:43, 44

Na kila alikokwenda, akiiingia vijijini, au mijini, au mashambani, wakawaweka wagonjwa sokoni, wakamsihi waguse ngaa pindo la vazi lake; nao wote waliomgusa wakapona. -Marko 6:56

Hata kulipokuwa jioni, wakamletea wengi wenye pepo; akawatoa pepo kwa neno lake, akawaponya wote walio kuwa hawawezi, ili litimie lile neno lililonywa na nabii Isaya, akisema, Mwenyewe alitwaa udhaifu wetu, na kuyachukua magonjwa yetu. -Mathayo 8:16, 17

20 UWEZO WA KUPONYA AINA ZOTE ZA MARADHI

Yesu akanyosha mkono, akamgusa, akisema, Nataka; takasika. Na mara ukoma wake ukatakasika. -Mathayo 8:3

Akaweka mikono yake juu yake, naye akanyoka mara hiyo, akamtukuza Mungu. -Luka 13:13

Na saa ile ile aliwaponya wengi magonjwa yao, na misiba, na pepo wabaya; na vipofu wengi aliwakirimia kuona. -Luka 7:21

Na alipoingia katika kijiji kimoja, alikutana na watu kumi wenye ukoma; wakasimama mbali. Alipowaona ali-

waambia, Enendeni, mkajionyeshe kwa makuhani. Ikawa walipokuwa wakienda walitakasika. -Luka 17:12, 14

Hata Yesu alipofika nyumbani kwa Petro, akamwona mkwewe Petro, mamaye mke we, amelala kitandani hawezi homa. Akamgusa mkono, homa ikamwacha; naye akaondoka, akawatumikia. -Mathayo 8:14, 15

Mmoja wao akampiga mtumwa wa Kuhani Mkuu, akamkata sikio la kuume. Yesu... Akamgusa sikio, akamponya. -Luka 22:50, 51

UWEZO WA KUPONYA AINA ZOTE ZA MARADHI 21

Naye alipofika nyumbani, wale vipofu walimwendea; Yesu akawaambia, Mnaamini kwamba naweza kufanya hili? Wakamwambia, Naam, Bwana. Ndipo alipowagusa macho, akasema, Kwa kadiri ya imani yenu mpate. Macho yao yakafumbuka. -Mathayo 9:28-30a

Hata alipoingia Kapernaumu, akida mmoja alimjia, akamsihi, akisema, Bwana, mtumishi wangu amelala nyumbani, mgonjwa wa kupooza, anaumwa sana. Naye Yesu akamwambia yule akida, Nenda zako; na iwe kwako kama

ulivyoamini. Mtumishi wake akapona saa ile ile. -Mathayo 8:5, 6, 13

Kisha akamwambia yule mtu, Nyosha mkono wako; akauonyosha, ukapona, ukawa mzima kama wa pili. -Mathayo 12:13

Na hapa palikuwa na mtu, ambaye amekuwa hawezi muda wa miaka thelathini na minane. Yesu akamwambia, Simama, jitwike godoro lako, uende. Mara yule mtu akawa mzima, akajitwika godoro lake, akaenda. -Yohana 5:5, 8, 9a

**22 HAKUNA UGONJWA ULIO NA NGUVU
YESU ASIUPONYE**

Mtu wa kwenu amekuwa hawezi? na awaite wazee wa kanisa. Na kule kuomba kwa imani kutamwoko mgonjwa yule. -Yakobo 5:14a, 15a

Naye alikuwa akizunguka katika Galilaya yote... na kuihubiri Habari Njema ya ufalme, na kuponya ugonjwa na udhaifu wa kila namna katika watu. -Mathayo 4:23

Na kuponywa magonjwa yao; na wale waliosumbuliwa na pepo wachafu; waliponywa. Na makutano yote walikuwa wakitaka kumgusa, kwa sa-

babu uweza ulikuwa ukimto-ka ukiwaponya wote.

-Luka 6:17b-19

Nao wakamsihi waguse hata pindo la vazi lake tu; na wote waliogusa wakaponywa kabisa. -Mathayo 14:36

Wakamwendea makutano mengi wakimletea viwete, vipofu, mabubu, vilema, na wengine wengi; wakawaweka miguuni pake; akawaponya.

-Mathayo 15:30

Makutano mengi wakamfu-ata, akawaponya huko.

-Mathayo 19:2

UWEZO WA KRISTO KUTOA MASHETANI 23

Yesu akamkemea pepo, naye akamtoka; yule kijana akapona tangu saa ile.

-Mathayo 17:18

Pepo nao waliwatoka watu wengi, wakipiga kelele na kusema, Wewe u Mwana wa Mungu. Akawakemea, asiwache kunena, kwa sababu walimjua kuwa ndiye Kristo.

-Luka 4:41

Naye alipofika ng'ambo, katika nchi wa Wagerasi, watu wawili wenye pepo walikutana naye, wanatoka makaburini, wakali mno, hata mtu asiweze kuipitia njia ile. Na

tazama, wakapiga kelele, wakisema, Tuna nini nawe, Mwana wa Mungu? Je! umekuja kututesa kabla ya muhula wetu? Basi, kulikuwako mbali nao kundi la nguruwe wengi wakilisha. Wale pepo wakamsihi, wakisema, Ukitutoa, tuache twende, tukaingie katika lile kundi la nguruwe. Akawaambia, Nendeni.

-Mathayo 8:28-32a

Wakati ule akaletewa mtu mwenye pepo, kipofu, naye ni bubu; akamponya, hata yule bubu akanena na kuona.

-Mathayo 12:22

24 UWEZO WA KRISTO KUFUFUA WAFU

Akararibia, akaligusa jenez; wale waliokuwa wakili-chukua wakasimama. Akasema, Kijana, nakuambia, Inuka. Yule maiti akainuka, akaketi, akaanza kusema.

-Luka 7:14, 15a

Yesu akamwambia, Ndugu yako atafufuka. Martha akamwambia, Najua ya kuwa atafufuka katika ufufuo siku ya mwisho. Yesu akamwambia, Mimi ndimi huo ufufuo, na uzima. Yeye aniaminiye mimi, ajapokufa, atakuwa anaishi. Naye akiisha kusema hayo, akalia kwa sauti kuu, Lazaro,

njoo huku nje. Akatoka nje yule aliyekufa, amefungwa sanda miguuni na mikononi, na uso wake amefungwa lesu. Naye Yesu akawaambia, Mfungueni, mkamwache aende zake. -Yohana 11:23-25, 43, 44

Alipokuwa akinena hayo, alikuja mtu kutoka nyumbani kwa yule mkuu wa sinagoga, akamwambia, Binti yako amekwisha kufa; usimsumbue mwalimu. Akamshika mkono, akapaza sauti, akisema, Kijana, inuka. Roho yake ikamreja.

-Luka 8:49, 54, 55a

AHADI ZA MUNGU ZA UFUFUO 25

Amin, amin, nawaambia, Saa inakuja, na sasa ipo, wafu watakapoisikia sauti ya Mwana wa Mungu, na wale waisikia watakuwa hai. Msi-staajabie maneno hayo; kwa maana saa yaja, ambayo watu wote waliomo makaburini wataisikia sauti yake. Nao watatoka. -Yohana 5:25, 28, 29a

Kwa kuwa mapenzi yake Baba yangu ni haya, ya kwamba kila amtazamaye Mwana na kumwamini yeye, awe na uzima wa milele; nami nitamfufua siku ya mwisho.

-Yohana 6:40

Tukijua ya kwamba yeye aliyemfufua Bwana Yesu atafufua sisi nasi pamoja na Yesu, na kutuhudhuria pamoja nanyi.

-2 Wakorintho 4:14

Kwa sababu Bwana mwenyewe atashuka kutoka mbinguni pamoja na mwaliko, na sauti ya malaika mkuu, na parapanda ya Mungu; nao waliokufa katika Kristo watafufuliwa kwanza.

-1 Wathesalonika 4:16

Lakini sasa Kristo amefufua katika wafu, limbuko lao waliolala. -1 Wakorintho 15:20

26 UWEZO WA KRISTO USIO NA KIKOMO

Yesu akaja kwao, akasema nao, akawaambia, Nimepewa mamlaka yote mbinguni na duniani. -Mathayo 28:18

Kwa sababu mambo yake yasiyoonekana tangu kuumbwa ulimwengu yanaonekana, na kufahamika kwa kazi zake; yaani, uweza wake wa milele na Uungu wake; hata wasiwe na udhuru.

-Warumi 1:20

Naye yupo mkono wa kuumbea wa Mungu, amekwenda zake mbinguni, malaika na enzi na nguvu zikiisha kuti-isha chini yake. -1 Petro 3:22

Haya ndiyo anenayo yeye aliye mtakatifu, aliye wa kweli, aliye na ufunguo wa Daudi, yeye mwenye kufungua wala hapana afungaye, naye afunga wala hapana afunguaye. -Ufunuo 3:7b

Uweza wake wa Uungu umetukirimia vitu vyote vipasavyo uzima na utauwa, kwa kumjua yeye aliyetuita kwa utukufu wake na wema wake mwenyewe. Tena kwa hayo ametukirimia ahadi kubwa mno, za thamani, ili kwamba kwa hizo mpate kuwa washirika wa tabia ya Uungu.

-2 Petro 1:3b, 4a

UWEZO WA KRISTO USIO NA KIKOMO 27

Kujua Mambo Yote

Enenda baharini ukatupe ndoana, ukatwae samaki yule azukaye kwanza; na ukifumbua mdomo wake utaona shekeli.... -Mathayo 17:27b

Na kwa sababu hakuwa na haja ya mtu kushuhudia habari za mwanadamu; kwa mana yeye mwenyewe alijua yaliyomo ndani ya mwanadamu. -Yohana 2:25

Katika siku ile Mungu atakapozihukumu siri za wanadamu, sawasawa na injili yangu, kwa Kristo Yesu. -Warumi 2:16

Kwa muujiza Kulisha 5,000

Wakamwambia, Hatuna kitu hapa ila mikate mitano na samaki wawili. Akasema, Nile-teeni hapa. Akawaagiza makutano waketi katika majani; akaitwaa ile mikate mitano na wale samaki wawili, akatazama juu mbinguni, akabari-ki, akaimega ile mikate, akawapa wanafunzi, wanafunzi wakawapa makutano. Wakala wote wakashiba.... Nao waliokula walikuwa wanaume wapata elfu tano, bila wana- wake na watoto.

-Mathayo 14:17-21

28 UWEZO WA KRISTO USIO NA KIKOMO***Kutembea juu ya Maji***

Hata wakati wa zamu ya nne ya usiku Yesu akawaendea, akienda kwa miguu juu ya bahari. -Mathayo 14:25

Kuzuia Mvua Yote

Hao wana amri ya kuzifunga mbingu, ili mvua isinye katika siku za unabii wao. Nao wana amri juu ya maji kuyageuza kuwa damu, na kuipiga nchi kwa kila pigo, kila watakapo. -Ufunuo 11:6

Kutuliza Dhoruba na Bahari

Mara akaondoka, akazikemea pepo na bahari; kukawa shwari kuu. -Mathayo 8:26b

Kutembea Kupenyeza Ndani ya Ukuta

Akaja Yesu, na milango imefungwa, akasimama katikati, akasema, Amani iwe kwenu. -Yohana 20:26b

Kushikilia Dunia Pamoja

Kwa kuwa katika yeye vitu vyote viliumbwa, vilivyo mbinguni na vilivyo juu ya nchi, vinavyoonekana na visivyoonekana; ikiwa ni viti vya enzi, au usultani, au enzi, au mamlaka; vitu vyote viliumbwa kwa njia yake, na kwa ajili yake. Naye amekuwako kabla ya vitu vyote, na vitu vyote hushikana katika yeye. -Wakolosai 1:16, 17

UWEZO WA KRISTO USIO NA KIKOMO 29

Tukijua ya kuwa Kristo akiisha kufufuka katika wafu hafi tena, wala mauti haimtawali tena. -Warumi 6:9

Lakini, ikiwa Roho wake yeye aliyemfufua Yesu katika wafu anakaa ndani yenu, yeye aliyemfufua Kristo Yesu katika wafu ataihuisha na miili yenu iliyo katika hali ya kufa, kwa Roho wake anayekaa ndani yenu. -Warumi 8:11

Na aliye hai; nami nalikuwa nimekufa, ... ni hai hata milele na milele. -Ufunuo 1:18a

Mwambieni Mungu, Mateendo yako yatisha kama nini!

Kwa ajili ya wingi wa nguvu zako, Adui zako watakuja kunyenyekea mbele zako. Nchi yote itakusujudia na kukumbia, Naam, italiambia jina lako. -Zaburi 66:3, 4

Uwezo katika Ufalme Wake

Maana ufalme wa Mungu hauwi katika neno, bali katika nguvu. -1 Wakorintho 4:20

Hawa watafanya vita na Mwana-Kondoo, na Mwana-Kondoo atawashinda, kwa maana Yeye ni Bwana wa Mabwana, na Mfalme wa Wafalme. -Ufunuo 17:14a

30 UWEZO WA KRISTO USIO NA KIKOMO***Juu ya Maisha Yote***

Kama vile ulivyompa mamlaka juu ya wote wenye mwili, ili kwamba wote uliampa awape uzima wa milele. -Yohana 17:2

Kufufua Tena Maisha Yake Mwenyewe

Ndiposa Baba anipenda, kwa sababu nautoa uhai wangu ili niutwae tena. Hakuna mtu aniondoleaye, bali mimi nautoa mwenyewe. Nami ninao uweza wa kuutoa, ninao na uweza wa kuutwaa tena. Agizo hilo nalilipokea kwa Baba yangu. -Yohana 10:17, 18

Kutoa Utukufu wa Mbinguni

Akageuka [Yesu] sura yake mbele yao; uso wake ukang'aa kama jua, mavazi yake yakawa meupe kama nuru. -Mathayo 17:2

Kurudi katika Uwezo na Utukufu

Yesu akamwambia, wewe umesema; lakini nawaambieni, Tangu sasa mtamwona Mwana wa Adamu ameketi mkono wa kuume wa nguvu, akija juu ya mawingu ya mbinguni. -Mathayo 26:64

UWEZO WA KRISTO USIO NA KIKOMO 31***Kusamehe Dhambi***

Lakini mpate kujua ya kwamba Mwana wa Adamu anayo amri duniani ya kusamehe dhambi, (amwambia yule mwenye kupooza) Ondoka, ujitwike kitanda chako, uende nyumbani kwako. -Mathayo 9:6

Kuwapa Uzima wa Milele

Nami nawapa uzima wa milele; wala hawatapotea kamwe. -Yohana 10:28a

Kukomboza Yeyote

... kwamba mataifa yote watahubiriwa kwa jina lake habari ya toba na ondoleo la dhambi. -Luka 24:47a

Kutakasa Roho

Kwa ajili hii Yesu naye, ili awatakase watu kwa damu yake mwenyewe, aliteswa nje ya lango. -Waebrania 13:12

Kumfanya Mmoja awe Mshindi

Bwana ataniokoa na kila neno baya, na kunihifadhi hata nifike ufalme wake wa mbinguni. -2 Timotheo 4:18a

Kumzuia Mmoja akae ndani ya Imani

Ili imani yenu isiwe katika hekima ya wanadamu, bali katika nguvu za Mungu. -1 Wakorintho 2:5

32 UWEZO WA JINA LA YESU

Kwa hiyo tena Mungu alimwadhimisha mno, akamkirimia Jina (Yesu) lile lipitalo kila jina. -Wafilipi 2:9

Lakini hizi zimeandikwa; ili mpate kuamini ya kwamba Yesu ndiye Kristo, Mwana wa Mungu; na kwa kuamini mwe na uzima kwa jina lake. -Yohana 20:31

Mwalimu, tulimwona mtu akitoa pepo kwa jina lako, ambaye hafuatani nasi; tukamkataza, kwa sababu hafuatani nasi. Yesu akasema, Msimkataze, kwa kuwa ha-

kuna mtu atakayefanya mwujiza kwa jina langu akaweza mara kuninenea mabaya. -Marko 9:38b, 39

Nanyi mkiomba lo lote kwa jina langu, hilo nitalifanya. -Yohana 14:13a

Lakini Petro akasema... lakini nilicho nacho ndicho nikupacho. Kwa jina la Yesu Kristo wa Nazareti, simama uende. Akamshika mkono wa kuume, akamwinua, mara nyayo zake na vifundo vya miguu yake vikatiwa nguvu. -Matendo 3:6, 7

UWEZO WA DAMU TAKATIFU YA YESU 33

Katika yeye huyo, kwa damu yake, tunao ukombozi wetu, masamaha ya dhambi, sawasawa na wingi wa neema yake. -Waefeso 1:7

Nao wakamshinda [Shetani] kwa damu ya Mwana-Kondoo, na kwa neno la ushuhuda wao. -Ufunuo 12:11a

Basi, Mungu wa amani aliyemleta tena kutoka kwa wafu Mchungaji Mkuu wa kondoo, kwa damu ya agano la milele, yeye Bwana wetu Yesu, awafanye ninyi kuwa wakamilifu katika kila tendo jema, mpate kuyafanya ma-

penzi yake; naye akifanya ndani yetu lipendezalo mbele zake, kwa Yesu Kristo. -Waebrania 13:20, 21a

Hao ndio wanatoka katika dhiki ile iliyo kuu, nao wamefua mavazi yao, na kuyafanya meupe katika damu ya Mwana-Kondoo. -Ufunuo 7:14b

Bali tukienenda nuruni, kama yeye alivyo katika nuru, twashirikiana sisi kwa sisi, na damu yake Yesu, Mwana wake, yatusafisha dhambi yote. -1 Yohana 1:7

34 MTUKUZE MUNGU KWA UWEZO WAKE

Wakisema kwa sauti kuu, Astahili Mwana-Kondoo aliyechinjwa, kuupokea uweza na utajiri na hekima na nguvu na heshima na utukufu na baraka. -Ufunuo 5:12

Kisha mataifa wataliogopa jina la BWANA, na wafalme wote wa dunia utukufu wako. Kizazi kitakachokuja kitaandikiwa hayo, na watu watakaumbwa watamsifu BWANA. -Zaburi 102:15, 18

Bali ninyi ni mzao meteule, ukuhani wa kifalme, taifa takatifu, watu wa milki ya Mungu, mpate kuzitangaza

fadhili zake yeye aliyewaita mtoke gizani mkaingie katika nuru yake ya ajabu.

-1 Petro 2:9

Mwimbieni BWANA akaaye Sayuni, Yatangazeni kati ya watu matendo yake.

-Zaburi 9:11

Watu na wakushukuru, Ee Mungu, Watu wote na wakushukuru. Nchi imetoa mazao yake; Mungu, Mungu wetu, ametubariki. Mungu ataturbariki sisi; Miisho yote ya dunia itamcha Yeye.

-Zaburi 67:5-7

NIFANYE NINI ILI NIPATE UZIMA WA MILELE? 35

Mwalimu, nitende jambo gani jema, ili nipate uzima wa milele? Akamwambia, ... Ukitaka kuingia katika uzima, zishike amri. Akamwambia, Zipi? Yesu akasema, Ni hizi, Usiue, Usizini, Usiibe, Usishuhudie uongo, Waheshimu baba yako na mama yako, na, Mpe nde jirani yako kama nafsi yako. Yule kijana akamwambia, Haya yote nimeyashika; nimepungukiwa na nini tena? Yesu akamwambia, Ukitaka kuwa mkamilifu, enenda ukauze ulivyo navyo, uwape maskini, nawe utakuwa na hazina

mbinguni; kisha njoo unifuata. -Mathayo 19:16b, 17-21

Tabu, Amini, Pokea

Yesu akaenda... akisema, Wakati umetimia, na ufalme wa Mungu umekaribia; tubuni, na kuiamini Injili.

-Marko 1:14b, 15

Alikuwako ulimwenguni, hata kwa yeye ulimwengu ulipata kuwako, wala ulimwengu haukumtambua. Bali wote waliompokea aliwapa uwezo wa kufanyika watoto wa Mungu, ndio wale waliaminio jina lake. -Yohana 1:10, 12

36 KRISTO NI NJIA, KWELI, UZIMA

Kwa kuwa torati ilitolewa kwa mkono wa Musa; neema na kweli zilikuja kwa mkono wa Yesu Kristo. -Yohana 1:17

Yesu akamwambia, Mimi ndimi njia, na kweli, na uzima; mtu haji kwa Baba, ila kwa njia ya mimi. -Yohana 14:6

Ndani yake ndimo ulimokuwa uzima, nao ule uzima ulikuwa nuru ya watu.

-Yohana 1:4

Ingieni kwa kupitia mlango ulio mwembamba; maana mlango ni mpana, na njia ni pana iendayo upotevuni, nao ni we-

ngi waingiao kwa mlango huo. Bali mlango ni mwembamba, na njia imesonga iendayo uzimani, nao waionao ni wachache. -Mathayo 7:13, 14

Mimi ndimi chakula chenye uzima kilichoshuka kutoka mbinguni; mtu akila chakula hiki, ataishi milele.

-Yohana 6:51a

Yesu akasimama, akapaza sauti yake akisema, Mtu akiona kiu, na aje kwangu anywe. Aniaminiye mimi, kama vile maandiko yalivyonena, mito ya maji yaliyo hai itatoka ndani yake. -Yohana 7:37b, 38

KRISTO, UWEZO PEKEE KWA WOKOVU 37

Kwa sababu Kristo hakuingia katika patakatifu palipofanyika kwa mikono, ... bali aliingia mbinguni hasa, aonekane sasa usoni pa Mungu kwa ajili yetu; wala si kwamba ajitoe mara nyingi, ... lakini sasa, mara moja tu, katika utimilifu wa nyakati, amefunuliwa, azitangue dhambi kwa dhabihu ya nafsi yake. Na kama vile watu wavyowekewa kufa mara moja, na baada ya kufa hukumu; kadhalika Kristo naye, akiisha kutolewa sadaka mara moja azichukue dhambi za watu wengi; atatokea mara

ya pili, pasipo dhambi, kwa hao wantazamia kwa wokovu. -Waebrania 9:24-28

Uwezo Wake Kutupeleka Mbinguni

Wala hakuna wokovu katika mwingine awaye yote, kwa maana hapana jina jingine chini ya mbingu walilopewa wanadamu litupasalo sisi kuo-kolewa kwalo. -Matendo 4:12

Uwezo Wake Kututupa Jehanamu

Msiwaogope wauauo mwili, ... afadhali mwogopeni yule awezaye kuangamiza mwili na roho pia katika jehanam. -Mathayo 10:28

38 UWEZO WA YESU KUOKOA KIKAMILIFU

Ni neno la kuaminiwa, tena lastahili kukubalika kabisa, ya kwamba Kristo Yesu alikuja ulimwenguni awaokoe wenyewe dhambi. -1 Timotheo 1:15a

Kwa maana sionei haya Injili; kwa sababu ni uweza wa Mungu uuletao wokovu, kwa kila aaminiye. -Warumi 1:16a

Wanahesabiwa haki bure kwa neema yake, kwa njia ya ukombozi ulio katika Kristo Yesu; ambaye Mungu amekwisha kumweka awe upatanisho kwa njia ya imani katika damu yake, ili aonyeshe haki yake, kwa sababu ya ku-

ziachilia katika ustahimili wa Mungu dhambi zote zilizotangulia kufanywa.

-Warumi 3:24, 25

Tazama, nimewapa amri ya kukanyaga nyoka na nge, na nguvu zote za yule adui, wala hakuna kitu kitakachowadhu-ru.

-Luka 10:19

Walakini ye yote atakayekunywa maji yale nitakayompa mimi hataona kiu milele; bali yale maji nitakayompa yatakuwa ndani yake chemchemi ya maji, yakibubujikia uzima wa milele.

-Yohana 4:14

WOKOVU ULIKUWA GHARAMA, LAKINI NI BURE 39

Haukuweza Kumgharimu Mungu Zaidi!

Kwa maana jinsi hii Mungu aliupenda ulimwengu, hata akamtoa Mwanawe pekee, ili kila mtu amwaminiye asipotee, bali awe na uzima wa milele. -Yohana 3:16

Oh, neema iliyoleta wokovu kwa Mtu! Mungu wa uumbaji wote alikufa kwa ajili yetu sote.

Yesu akasema, Baba, uwasa-mehe, kwa kuwa hawajui watendalo. Yesu akalia kwa sauti kuu, akasema, Ee Baba, mikononi mwako naiweka roho yangu. -Luka 23:34a, 46

Ni Bure kwa Sisi kuchukua

Na Roho na Bibi-arusi wase-ma, Njoo! Naye asikiaye na aseme, Njoo! Naye mwenye kiu na aje; na yeye atakaye, na ayatwae maji ya uzima bure. -Ufunuo 22:17

Baba humpenda Bibi Arusi aliyekombolewa sawa kama ampandavyo Mwana wake — hakuna upendo mkuu.

Mimi ndani yao, nawe ndani yangu, ili wawe wamekamilika katika umoja; ili ulimwengu ujue ya kuwa ndiwe uliyenituma, ukawapenda wao kama ulivyoniipenda mimi.

-Yohana 17:23

40 NYENYEKEA KIKAMILIFU SASA KWA YESU KRISTO, ALIYE BWANA

Tukiziungama dhambi zetu, Yeye ni mwaminifu na wa haki hata atuondolee dhambi zetu, na kutusafisha na udhalimu wote. -1 Yohana 1:9

Tubuni basi, mrejee, ili dhambi zenu zifutwe.

-Matendo 3:19a

Na huu ndio ushuhuda, ya kwamba Mungu alitupa uzima wa milele; na uzima huu umo katika Mwanawe.

-1 Yohana 5:11

Amwaminiye Mwana yuna uzima wa milele; asiyemwamini Mwana hataona uzima,

bali ghadhabu ya Mungu inamkalia. -Yohana 3:36

Hamjui ya kuwa kwake yeye ambaye mnajitoa nafsi zenu kuwa watumwa wake katika kumtii, mmekuwa watumwa wake yule mnayemtii, kwamba ni utumishi wa dhambi uletao mauti, au kwamba ni utumishi wa utii uletao haki.

-Warumi 6:16

Tazama, nasimama mlango-ni, nabisha; mtu akiisikia sauti yangu, na kuufungua mlango, nitaingia kwake.

-Ufunuo 3:20a

UWEZO WA MUNGU NDANI YA WAAMINI WA KWELI

41

Upendo Badala ya Woga

Maana Mungu hakutupa roho ya woga, bali ya nguvu na ya upendo na ya moyo wa kiasi.

-2 Timotheo 1:7

Katika pendo hamna hofu; lakini pendo lililo kamili huitupa nje hofu, kwa maana hofu ina adhabu; na mwenye hofu hakukamilishwa katika pendo.

-1 Yohana 4:18

Upendo Badala ya Chuki

Lakini tunda la Roho ni upendo, furaha, amani, uvumilivu, utu wema, fadhili, uami-

nifu, upole, kiasi; juu ya mambo kama hayo hakuna sheria.

-Wagalatia 5:22, 23

Na amri hii tumepewa na yeye, ya kwamba yeye ampendaye Mungu, ampende na ndugu yake.

-1 Yohana 4:21

Imani Badala ya Mashaka

Ni nani atakayetutenga na upendo wa Kristo? Je! ni dhiki, au shida, au adha, au njaa, au uchi, au hatari, au upanga? Lakini katika mambo hayo yote tunashinda, na zaidi ya kushinda, kwa yeye aliyetupenda.

-Warumi 8:35, 37

42 UWEZO WA MUNGU NDANI YA WAAMINI WA KWELI

Kwa kuwa yeye mwenyewe amesema, Sitakupungukia kabisa, wala sitakuacha kabisa.

-Waebrania 13:5b

Kwa maana ndiye Mungu atendaye kazi ndani yenu, kutaka kwenu na kutenda kwenu, kwa kulitimiza kusu-di lake jema.

-Wafilipi 2:13

Amani Badala ya Maombolezo

Amani nawaachieni; amani yangu nawapa; niwapavyo mimi sivyo kama ulimwengu utoavyo. Msifadhaike mioyoni mwenu, wala msiwe na woga.

-Yohana 14:27

Basi tukiisha kuhesabiwa haki itokayo katika imani, na tuwe na amani kwa Mungu, kwa njia ya Bwana wetu Yesu Kristo.

-Warumi 5:1

Jilindeni na choyo, maana uzima wa mtu haumo katika wingi wa vitu vyake alivyo navyo.

-Luka 12:15b

Ndugu zangu wapenzi, sikilizeni, Je! Mungu hakuwachagua maskini wa dunia wawe matajiri wa imani na warithi wa ufalme aliowaahidia wampendao?

-Yakobo 2:5

UWEZO WA MUNGU NDANI YA WAAMINI WA KWELI

43

Uhakika, Siyo bila Uhakika

Nimewaandikia ninyi mambo hayo, ili mjue ya kuwa mna uzima wa milele, ninyi mnaoliamani Jina la Mwana wa Mungu.

-1 Yohana 5:13

Utakatifu Badala ya Uovu

Mkiisha kujitakasa roho zenu kwa kuitii kweli, hata kufukilia upendano wa ndugu usio na unafiki, basi jitahidini kupendana kwa moyo.

-1 Petro 1:22

Walakini mwisho wa agizo hilo ni upendo utokao katika moyo safi na dhamiri njema.

-1 Timotheo 1:5a

Furaha ya Pekee Badala ya Huzuni

Basi Mungu wa tumaini na awajaze ninyi furaha yote na amani katika kuamini.

-Warumi 15:13a

Hayo nimewaambia, ili furaha yangu iwe ndani yenu, na furaha yenu itimizwe.

-Yohana 15:11

Basi ninyi hivi sasa mna huzuni; lakini mimi nitawaona tena; na mioyo yenu itafurahi, na furaha yenu hakuna awaondoleaye.

-Yohana 16:22

44 UWEZO WA MUNGU NDANI YA WAAMINI WA KWELI

Nguvu Badala ya Udhaifu
Huwapa nguvu wazimiao, humwongezea nguvu yeye asiye kuwa na uwezo.

-Isaya 40:29

Matumaini Badala ya Kukata Tamaa

Tukilitazamia tumaini lenye baraka na mafunuo ya utukufu wa Kristo Yesu, Mungu mkuu na Mwokozi wetu.

-Tito 2:13

Ili kwa vitu viwili visivyo-weza kubadilika, ambavyo katika hivyo Mungu hawezi ku-sema uongo, tupate faraja ili-

yo imara, sisi tuliokimbilia ku-yashika matumaini yale yawekwayo mbele yetu.

-Waebrania 6:18

Ukweli Badala ya Uongo

Mwe na mwenendo mzuri kati ya Mataifa, ili, iwapo huwasingizia kuwa watenda mabaya, wayatazamapo matendo yenu mazuri, wamtukuze Mungu siku ya kujiliwa.

-1 Petro 2:12

Tena mtaifahamu kweli, na-yo hiyo kweli itawaweka huru.

-Yohana 8:32

UWEZO WA MUNGU NDANI YA WAAMINI WA KWELI

45

Kwa maana kila kitu kilichoza liwa na Mungu huushinda ulimwengu; na huku ndiko kushinda kuushindako ulimwengu, hiyo imani yetu.

-1 Yohana 5:4

Tena nikaona kitu... na wale wenye kushinda, watokao kwa yule mnyama, na sanamu yake, na kwa hesabu ya jina lake.

-Ufunuo 15:2a

Kukua Badala ya Utoto

Kwa sababu hiyo, tukiacha kuyanena mafundisho ya kwanza ya Kristo, tukaze mwendu ili tuufikilie utimilifu; tu-

siweke msingi tena wa kuzitubia kazi zisizo na uhai, na wa kuwa na imani kwa Mungu.

-Waebrania 6:1

Kama watoto wachanga waliozaliwa sasa yatamanini maziwa ya akili yasiyoghoshiwa, ili kwa hayo mpatе kuukulia wokovu.

-1 Petro 2:2

Basi kama mliyovumpokea Kristo Yesu, Bwana, enendeni vivyo hivyo katika yeye; wenyewe shina na wenye kujengwa katika yeye; mmefanywa imara kwa imani, kama mliyovofundishwa.

-Wakolosai 2:6, 7a

46

UWEZO WA MUNGU NDANI YA WAAMINI WA KWELI

*Nguvu katika Undani
wa Mtu*

Awajalieni, kwa kadiri ya utajiri wa utukufu wake, kufanywa imara kwa nguvu, kwa kazi ya Roho wake, katika utu wa ndani.

-Waefeso 3:16

Nayaweza mambo yote katika yeye anitiaye nguvu.

-Wafilipi 4:13

*Hutegemei Hekima ya
Kibinadamu*

Na neno langu na kuhubiri kwangu hakukuwa kwa maneno ya hekima yenye kusha-

wishi akili za watu, bali kwa dalili za Roho na za nguvu.

-1 Wakorintho 2:4

Uwezo wa Kushuhudia

Lakini mtapokea nguvu, akiisha kuwajilia juu yenu Roho Mtakatifu; nanyi mtakuwa mashahidi wangu katika Yerusalem...na hata mwisho wa nchi.

-Matendo 1:8

Na sisi tu mashahidi wa mambo haya, pamoja na Roho Mtakatifu ambaye Mungu amewapa wote wamtii.

-Matendo 5:32

UWEZO WA MUNGU KUWAHIFADHI WAAMINI 47

Mimi siombi kwamba uwaotoe katika ulimwengu; bali uwalinde na yule mwovu.

-Yohana 17:15

Na amani ya Mungu, ipitayo akili zote, itawahifadhi mioyo yenu na nia zenu katika Kristo Yesu.

-Wafilipi 4:7

Tazama, nimewapa amri ya kukanyaga nyoka na nge, na nguvu zote za yule adui, wala hakuna kitu kitakachowadhuru.

-Luka 10:19

Kwa kuwa umelishika neno la subira yangu, mimi nami nitakulinda, utoke katika saa ya kujaribiwa iliyo tayari ku-

ujilia ulimwengu wote, kuwaribu wakaa juu ya nchi.

-Ufunuo 3:10

Mzidi kuwa hodari katika Bwana na katika uweza wa nguvu zake. Vaeni silaha zote za Mungu, mpate kuweza kuzipinga hila za Shetani.

-Waefeso 6:10b, 11

... Bwana ajua kuwaokoa watauwa na majaribu.

-2 Petro 2:9a

Na yeye ashindaye, na kuyatunza matendo yangu hata mwisho, nitampa mamlaka juu ya mataifa.

-Ufunuo 2:26

48

AHADI "BLANKETI" ZA MUNGU

Ni yetu kwa Imani; Mungu wetu pekee asiyekoma ndiye atakayetimiza.

Na yo yote mtakayoyaomba katika sala mkiamini, mtapokea.

-Mathayo 21:22

Ninyi mkikaa ndani yangu, na maneno yangu yakikaa ndani yenu, ombeni mtakalo lote nanyi mtatendewa.

-Yohana 15:7

Na huu ndio ujasiri tulio nao kwake, ya kuwa, tukiomba kitu sawasawa na mapenzi yake, atusikia. Na kama tukijua kwamba atusikia, tuombacho chote, twajua kwa-

mba tunazo zile haja tulizomwomba.

-Yohana 5:14, 15

Ombeni, nanyi mtapewa; tafuteni, nanyi mtaona; bishe ni, nanyi mtafunguliwa.

-Mathayo 7:7

Amin, amin, nawaambieni, Yeye aniaminiye mimi, kazi nizifanyazo mimi, yeye naye atazifanya; naam, na kubwa kuliko hizo atafanya, kwa kuwa mimi naenda kwa Baba. Nanyi mkiomba lo lote kwa jina langu, hilo nitalifanya, ili Baba atukuzwe ndani ya Mwana. Mkiniomba neno lo lote kwa jina langu, nitalifanya.

-Yohana 14:12-14

Kwa sababu hiyo nawaambia, Yo yote myaombayo mkisali, aminini ya kwamba mnayapokea, nayo yatakuwa yenu.

-Marko 11:24

Nawe utajifurahisha kwa BWANA, naye atakupa haja za moyo wako. Umkabidhi BWANA njia yako, pia umtumaini, naye atafanya.

-Zaburi 37:4, 5

Na Mungu wangu atawajazeni kila mnachokihitaji kwa kadiri ya utajiri wake, katika utukufu, ndani ya Kristo Yesu.

-Wafilipi 4:19

Bwana akasema, Kama mngekuwa na imani kiasi cha che-

mbe ya haradali, mngeuambia mkuyu huu, Ng'oka, ukapandwe baharini, nao unge watii.

-Luka 17:6

Na lo lote tuombalo, twalipokea kwake, kwa kuwa twazishika amri zake, na kuyatenda yapendezayo machoni pake.

-1 Yohana 3:22

Yesu akamwambia, Ukiweza! Yote yawezekana kwake aaminiye.

-Marko 9:23

Maana ahadi zote za Mungu zilizopo katika yeye ni Ndiyo; tena kwa hiyo katika yeye ni Amin; Mungu apate kutukuzwa kwa sisi.

-2 Wakorintho 1:20

If you are interested in receiving additional studies of God's Word, write to the publisher in English:

W. M. Press, Inc.
P. O. Box 120
New Paris, Indiana 46553-0120 USA

www.wmpress.org

Kiswahili POG